

TENDAA NENSAABA ZAA YELESOOBO SOBIE MOOLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro poo; a nengsaala mengesoobo ane o yelmengge noba zie la binne engmaarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posããna. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da sengge la ka anang ba fere nee kao e yeli nang fere o, a kũũ ne o baao poo ka o faa o mengge dogrong poo, ka ka a yelmenne toretero la guuro a tendaa zaa noba yelsoobo sobie.

Ka a da sengge la ka to-ne-to nommo yele a tendaa za.

Ka a noba nang be a Tendaa Langne poo lee maaleng nyogee ba yeldeebo a a yelmanne binne nga nang guuro a tendaa zaa yelsoobo sobie poo, ka dɔɔ ane poge nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga poo eng la noore ka bana ane a Tendaa Langne na nye a tendaa zaa nongtaa, a engne a Tendaa zaa yelsoobo ane mengesoobo sobie.

Ka ka nee zaa bang ka a yelsoobo sobie ama ane a nensaala mengge soobo la yelkpong nang be a noore nga emmo poo.

Pampanga a Le Zueng,

A TENDAA LANGNE NOBA LANG TAA

moolo la:

ka a TENDAA ZA YELESOOBO SOBIE waa la bone noba zaa ane tenne zaa nang na moõ nimiri k'a nye eebo. A lezueng nee zaa, bee nengsaaba langne zaa na taa la a yele ama teerong tegtegle a ere anee ba wuloo poo ane ba zanno poo a e k'a yelsoobo sobie ane a noba mensesoobo yele duoro saa kye ere beele beele tenga zaa poo a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeere a tenne na poo, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang doge so la o menga, ka o ne o taaba zaa sengtaa noba emmo ane yelsoobo sobie poo. Ba dogee ba zaa ne yeng ane yele-iruu k'a da seng ka ba ere yele koro taa a nga yoomine.

Dore 2

Neezaa soobo la a Tendaa zaa yelsoobo sobie ama nang be a gane poo; a ba wullo ka nee nga waa ngaa ne ngaa; a nga balong, bee o engge waalong, k'o waa la poge bee dɔɔ, o kokoyelaa, puoru na o nang puoro, o teerong nang are le a tenga maalo yele

poo, o tengyiraa ane o aroozie a tenga poo, boma o nang taa, o dogebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo yele le, bee bone na naalong ba nang dire a tenga na poo a nee na nang yi, ka a tenga na so la o mengɛ bee ka o be la tenga kang nuureng, bee ka o nang ba so o mengɛ, be ka yele mine bebe la a pɔgro o mengesoobo sobiri.

Dore 3

Neezaa taa la sori ka o taa nyovore, ka bone zaa ta ngmaara o sobiri o yellerre poo, ka tuo ta be o zie.

Dore 4

Neezaa ba taa sori a taa o tosoba ka o waa o gbangbaa bee ka o tono gbangba-toma. A ferɛ la kaa gbangbaalong ane nengsaaba kooro ta bebe togtog yelizaa poo.

Dore 5

Neezaa ba seng ne engɛ dogrong nang gang, bee potuyele, bee dogrong zaa nang ba seng ne nengsaala.

Dore 6

Ka neeng be zie zaa a ferɛ la ka a tenga na deme de o k'o waa nengsaala a loo poo.

Dore 7

Loo ninge poo noba zaang sengtaa k'a fere ka a loo kaara ba zaa zu ka gyegru kyebe. A yele ama moooloo poo kyirung la ka gyegru bebe nee zaa zie, bee ka nee dore ka ba gyegri nee.

Dore 8

Ka nee zaang taa yeli a gaane a serɛ diibo zie, a ferɛ la ka a tenga na sɛredirebe a di a serɛ velaa ka a yelmengɛ gaa a nee na deme nang kpɛ zie a seng le a tenga loo nang manne bing.

Dore 9

Neezaa ba seng ne ka ba deɛ bone nyogoo gaa te page kye ba di a serɛ, bee ka ba diguu bare ka o yi gaa teng-yuo a te kpeɛɛ.

Dore 10

Neezaa nang sãã yeli, a ferɛ la ka a tenga na sɛredirebe di o serɛ neng-yaga poo ka nonne boore kyebe a serɛ nga ba nang dire a na nye bone na yeli o nang sãã poo.

Dore 11

Neezaa ba nang nyoge yeli kang poo a na di o serɛ ko na poge nye dogrong a poo, a ferɛ la ka a sɛredirebe de ka o ba sãã yeli, a ta le sang ba nang di o serɛ yeng poo a te nye bang ka o sãã la yeli. A o serɛ diibo na meng poo a ferɛ la ka ba k'o sori ka o bo bone na zaa nang na toõ song o ka o yeli faa o mengɛ.

Ba kong toõ nyoge nee zaa nang sãã yeli nang taa dogrong; yeli o nang e, bee o nang

nage o vuo na poɔ, a yeli na o nang e, bee o nang nage nang da ba waa yelsããna nang boɔɔ dɔgrong a le sang onang da e a yeli bale, bee ka ba ko o dɔgrong nang waa tuo gang a dɔgrong na nang da bebe ka ba da ko o a le sang o nang sãã a yeli bala.

Dore 12

Neezaa ba taa sori a bonno kpeere o to yele poɔ, bee o die yele poɔ, bee o yiri yele, bee o gama yele, bee ka o sãã o to yosong ane o evele. A feree la ka a loo guuro nee zaa a dõõne ama taaba poɔ.

Dore 13

Neezaa taa sori ka o yooɔ gere benee zaa o nang boɔɔ, bee ka o kpeere benee zaa o nang boɔɔ a tenga toribogri poɔ.

Neezaa taa sori ka o yi tenga kang zaa poɔ, bee o menge tenga poɔ a kye lee wa a o tenga poɔ.

Dore 14

Neezaa taa sori ka o yi tenga na poɔ ba nang boɔɔ o dɔgroo, bee o koobo a gaa tenne mine a na te nye popeelong.

A sobiri nga kyebe nee nang sãã yeli yelmenge ka ba boɔɔ o ka ba di o seree ka a yele na o nang sãã ba e votu yele bee yele nang ba tu a Tendaa Langkpong yele sobie ba nang manne bing le.

Dore 15

Neezaa taa sori a na waa enga kang paalong nee.

Neezaa ba taa sori a na yeli ka neekang ta be o tenga poɔ, bee ka o ta yi o tenga a gaa te kpeere teng-yuo.

Dore 16

Neezaa nang ta dɔɔ, bee poɔge, bale zaa poɔ, tenga zaa poɔ, puoru zaa poɔ, taa sori a na de poɔge, bee kuli sere a dɔgroo bibiiri. Ba zaang na sengtaa a ba kultaa yele poɔ a ta le sang ba kultaa nang baare.

Neezaa ba taa sori a fere noba ka ba kultaa; banang nang kulo taa yong na pele poore a sage ka ba kultaa.

Dɔɔ ane o poɔge ane o bibiiri waa seng bombiri a tenga noba zie ka a fere ka a tenga noba ane a tenga nembere kaara ba zu.

Dore 17

Neezaa taa sori a na so boma o yong, bee ka o ne noba mine lang so boma.

Neezaa taa sori faa nee boma o nang so.

Dore 18

Neezaa taa a sori na teere yele a seng o nang boɔɔ le, a tuuro o yeng wuluu, a puoro puoru na zaa o nang boɔɔ; o la taa la a sori meng a na leere o puoru ane o teerong; o na toõ e la le o yong, bee a lang ne noba yeng poɔ, bee o yong zie. O la taa sori meng

a na e ka o puoru yeŋe sãã noba zie. O taa sori na wullo noba a o puoru yeŋe. O taa sori tuuro a o puoru nga sobie zaa a seng le o nang booro.

Dore 19

Neezaa taa sori ka o teere ka yeli kang waa ngaa bee o ba waa. O taa sori meng na yeli a yeli na yeŋe. O la taa la a sori meng ka o teere ka yeŋe mine waa ngaa, kye ka nee zaa ta fere o a o teerong na poo. O taa sori meng ka o bo a kye nye yelpaaba nang yire zie zaa waana, ka a gangnee toribogri bee ka a ba gangna o taa la a sori.

Dore 20

Neezaa taa la a sori ka o poo noba nang langtaa ane teerong velaa. O la taa la sori ka o kpe langne zaa.

Nee kontoõ fere neezaa ka o kpe langne kang poo.

Dore 21

Neezaa taa sori k'o poo a tenga gobenente yeŋe poo o mengɛ bee ka o poo iri noba ka ba lee o zu.

Neezaa taa sori ka a tenga poo bone na zaa nang bebe ka ba de sonno ne a noba ba yeli zaa poo k'a tara o meng.

A gobenente fang a tenga poo na yi la tenga noba booro zie. A sobiri na a noba nang na mang tu ka ama nye eebo la ka ba manne bing ka ka vuo kang poo k'a noba mang taa neng-iri ka finnuu kyebe a neng-iri nga poo; k'a banang zaa nang ta noba a taa sori na iri a noba nang na lee ba zu a tenga gobenente poo. A neng-iri sang nee zaa ba taa sori na nye o tosoa nang booro k'o iri nee na.

Dore 22

Neezaa waa la a tenga zu noba nee. A fere la ka o tenga kaara o zu; o la taa la sori meng ka o nyere a o tenga tonɔ ka a song o ka o nyere emmo a seng nengsaala; ka o engɛ ane o yeng yeŋe meng kyene velaa.

Dore 23

Neezaa ta sori ka o taa toma tonɔ. O taa sori meng ka o iri toma na o dang booro. Sori bebe meng la, ka ka o toma zie ane o toma zie yeŋe veelɛ. Sori bebe meng la ka o taa toma tonɔ a ta yooro weɛ le.

Neezaa, ka gyegru kyebe taa sori ka o nyere san-yoo a seng banang zaa meng nang tonɔ a tong-bale.

Neezaa nang tonɔ toma taa sori a naa nyere a yore ka a seng o ne o poge ane o bibiiri; ka a seng ba ka ba na toõ nye bone na zaa a nang fere nengsaala ka o taa waa nengsaala.

Neezaa taa sori ka o piili tontonema langne. O la taa l'a sori ka o kpe tontonema langne nang na song ka o guuro o toma.

Dore 24

Neezaa taa sori ka o nye penno kye ka o pennoo sang ka o taa sori a ere le o poo nang pelle. O la taa sori ka ka o ta tong toma a te gang gammo kang. O taa sori meng na

nyere pennoo bebie a o toma zie kye nang nyere san-yoo a pennoo bebie na poo.

Dore 25

A ferεε la k'a tenga nye ka benee dɔɔ ane o pɔge ane o bibiiri nang kpeere seng ne ba eng-maarong nang boɔɔ lε, ka ba nyere bondiri ane bonsuuri, ka ba kpeεbo zie ane ba laafeε yeε veεε. Ba taa l'a sori meng ka sang kang wa ta ka ba ba la taa san-yoo toma, bee ka ba beere, bee ka yeli kang e ka o kong la toɔ tong toma bee ka o sere, bee ka pɔge kpi kye kyere o yong, bee ka o kore zuo a kong la toɔ tong toma, bee ka yeli kang e ka o deε kong la toɔ bɔ bondiraa o mengine, a ferεε la ka a tenga na o nang be kaara o zu.

Bimamine ane bibiiri nang nang baara, a sengeε la ka ba kaara ba zu kye sonno ba. Bibiiri zaa, ka ba ma ne ba saa de la taa kye dɔge ba bee ka baba de taa kye dɔge ba meng na nyere la a sommo nga bale.

Dore 26

Neeza taa sori ka o bang gane. A gane zanno piilu sang a da seng ka yooɔre kyebe. A ferεε la ka neezaa zanne gane belaa a ta taabo kang. A da ba seng ka neezaa wong tuo kye nye nuuri-toma zanno, bee gama-toma zanno. A da sengeε la ka banang nang na toɔ meng ta wong tuo kye nye zanno nang do yaga.

A da sengeε la ka gane zanno kyaara nensaala mengemaalo yeε a kye sonno nensaala mengesoobo sobie yeε a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyɔge taa baalong a kye e ka a Tendaa Langkpong yeε kyene ka maarong be a tenga zu.

Saamine ane mamine taa a sori a na de weε dang iri benee ba nang boɔɔ ka ba bibiiri gaa zanne gane.

Dore 27

Neezaa taa sori ka o poo a tenga tengkoɔ yeε poo a meng wong a noba nuuri-toma noɔ, kye nyere tɔno nensaala yeng nang song o ka o maale, bee ka o e ka bone na zaa waana ne noɔ bee tɔno.

Neezaa nang de o nuuri, bee o zu a tong ne toma ka a yire tɔno mine, a ferεε la ka a tenga ta veng ka neezaa finne o a toma na poo.

Dore 28

A da sengeε la ka a yeε ama ba nang manne bing a kye a nye eebo, ka benee zaa tenga zu kye neε nang kpeere na toɔ so o mengine kye kpeere ne popeelong.

Dore 29

Neezaa taa la fero toma o taaba zie benee o nang kpeere. A leng na song ka o mengine nye maalo.

Neezaa nang so o mengine, a wonno o mengesoobo noɔ, yeli zaa ba kyebe a na pigi a o mengesoobo nga sori see ka tenga nang manne bing lε naane, a loo na meng na waa la loo nang na veng ka nensaala nye emmo kye so o mengine, a sonno ka nensaaba ere eveεε, a e ka marong be noba nang lang kpeere zie kye ere ka noba zaa kpeere velaa ba tenga poo, ka ba meng taa noɔre a ba tenga maalo yeε poo.

Nεεzaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing lε.

Dorε 30

Tenga zaa bee langne zaa bee neng-yeni zaa ba taa sori a willi a yεlε ama ba nang manne bing a kyε; ka a waa seng nga a yεlε nga ko ba la sobiri ka ba tong tone zaa bee yeli zaa nang waana ne nensaala mengasoobo ane o yelisoore noŋ wommo ba nang manne bing a kyε sããbaro.